



Universitätsbibliothek Paderborn

**De Variis Generibvs, Cavsis, Atqve Exitv Perseqvvtionvm,
Qvas pij hoc in mundo peregrinantes patiuntur**

Lens, Jean de

Lovanii, 1578

Tam graues fideliu[m] persequutiones ob merita peccatorum nostrorum
euenire solere. Cap. 52.

urn:nbn:de:hbz:466:1-30324

zon desistunt. Hoc & Donatista Petilianus (vt omittam cæ-
teros) fecit : quem testatur August. ore maledico in mona- *Contra Lite-*
steriorum & monachorum vituperationem, differendo per-
rexisse, arguisseque falso Augustinum, quod hoc vitæ genus
ab eo esset institutum. Affligunt eosdem & torquent, & oc-
cidunt cùm possunt. Hoc ante ipsos fecit & Valens Arria-
nus imperator, qui feris quondam barbaris monachos in-
numeros trucidandos obiecit. Fecit hoc ipsum & ante Va-
lentem Constantius, à quo in Alexandrinam urbem Geor-
gius quidam missus, adiunctis Gentilium Iudæorumque *Lib. 5. Trip.*
turmis, præter infanda alia, monachos etiam pedibus con- *cap. 28.*
culcatos oppressit. Euentū templū funditus & domos ora-
tionis nullas stare patiuntur. Testis est Eusebius hoc idem *Lib. 8. eccl-*
esiast. hist. c. 3
fieri iussisse Diocletianum, vt solo templū & oratoria Chri-
stianorum æquarentur, cunctaque illic reperta flammis tra-
derentur absumenda voracibus. In sacratissimum Domini
corpus aut impias manus immittunt, aut pedibus concul-
cant : an non hoc ipsum Arrianos fecisse deplorat Hilarius?
& Donatistas Optatus Mileuitanus? Illos enim hic allo-
quens : Quid est, inquit, altare nisi sedes corporis & sanguini-
nis Christi? Ac paucis interpositis, Hoc modo estis Iudæos
imitati, Illi manus iniecerunt Christo in cruce, à vobis per-
cussus est in altari. Victor quoq; Vicensis libro primo per-
secutionis Vandalicæ : Arriani, inquit, tempore quo sacra-
menta Dei populo porrigebātur, introeuntes maximo cum
furore, corpus Christi & sanguinem paumento sparserunt,
& illud pollutis pedibus calauerunt. Hæc igitur ætatis no-
stræ hostes, neque primi neque soli fecerunt, diligenterque
cauerunt ne prioribus cessisse hac in parte viderentur. Quæ
si nunquam nisi ab impijs & sacrilegis atq; ipsorum etiam
qui modò similia faciunt, sententia & voce damnatis, per-
petrata sunt, & si facta eadem pijs omnes, quamcumque in
ætatem inciderint, vehementer sunt detestati, quid dubita-
mus hæc in Deum piosque omnes esse hostilia pronunciare,
ob eaqué nostrorum temporum infœlicitatem omnibus
lachrymis deplorare?

Tam grates fidelium persecutio-
nes ob merita pec-
catorum nostrorum euenire solere.

CAPVT LII.

Quam

DE VARIIS PIORVM

QVAM profe&ò benignissimus Deus & suæ religio-
nis amantissimus , euenire passus non esset , neque
tantum vt equidem arbitror , hosti vel maxime fa-
uenti , permisisset , nisi eum nostra maiorumque multa &
grauia peccata prouocasset . Magnitudinem enim iræ de-
monstrat suæ , quando nec charis sibi parcit cultoribus , pro-
pter populi scelera , nec suis templis & oratorijs , in quibus à
plerisque aut negligitur , aut contemnitur , aut ore & labijs ,
non intimo mentis affectu honoratur . Propterea Iudaicis
olim temporibus , & prius arca Domini ab hostibus capta
est , & postea templum illud augustissimum , pollutum & in-
censum , & captiuo prophetæ abducti , omnino que ab impio
conculcata religio est . Neque enim habitare Dominus susti-
net diutius inter suos contemptores , frustraque templo sibi
constructa è saxis lignisq; deputat , quando humanis in cor-
dibus , templum habere non sinitur . Ut quid enim veri tem-
pli simulachrum extet diutius , quando veritas ipsa sublata
est ? Ut quid sanctorum imagines adhuc perferantur , quādo
nec sancta cum ijs societas expetitur , & eorum virtutis ex-
empla iidentur ? ut non gentem propter locum , sed locum
propter gentem eligit Deus , ita prorsus & propter gentem ,
aut locum deserit omnino , aut ad tēpus certe , sacrilegorum
subiici patitur iniurijs . Pertinent ea quoque ad illa flagella ,
de quibus scriptum est : Si dereliquerint filii tui legē meam ,
& in iudicijs meis non ambulauerint : visitabo in virga ini-
quitates eorum , & in verberibus peccata eorum , misericor-
diā autem mēā non dispergam ab ijs . Te (inquit per alium
Prophetam) non faciam in consummationem , sed castigabo
te in iudicio , ut non videaris tibi innoxius . Hanc istiusmodi
perseguitionum causa , vt suo tēpore praeclarè agnouit Eu-
sebius , ita etiam historiæ duxit inserendam . Vbi , inquit , ex
multa libertate multaque indulgentia vitiati sunt mores , &
disciplina corrupta est , dum alter alteri inuidemus , & alter
alteri derogamus , dumque nos inuidem mordemus & incu-
famus , & aduersum nosmetipsos intestina bella comimou-
mus , dum verborum iaculis , proximorum corda terimus :
dum principes cum principibus , populi cum populis , sedicio-
nes & certamina concitamus , dum simulatio in vultu , dolus
in corde , fallacia profertur in verbis , & malorum per singula
cumulus intumescit , diuina prouidentia iacturam disciplinæ
populo

Psalm. 88.

Hierem. 30.

*Lib. 8. eccl.
bist. cap. 1.*

populo suo illatam , ex plurima pace & nimia sui lenitate perspiciens, aggreditur primò sensim refrenare lapsantes, & integro adhuc ecclesiæ statu congregationibusque manentibus indulget : interim eos qui erant in malitia tantum, Gentilium persequitione pulsari permittens. Sed cum nullus clementia eius intellectus populis redderetur , quin potius velut ignorantibus Deum absque diuina prouidentia res agi ducerent, ac per hoc eo magis persistenter in malis suis : atque ipsi qui duces populi videbantur & principes , diuinis mandati immemores effecti , aduersum seiuicem contentionibus, zelo, liuore, superbia, inimicitijs atq; odijs inflammarentur , ita vt tyrannidem potius quam sacerdotium tenere se crederent : ac Christianæ humilitatis & synceritatis obliiti, sacra mysteria prophanis mentibus celebrarent, tum demum secundum vocem Hieremij prophetæ : Obscurauit Dominus in ira filiæ Sion, & deiecit de celo gloriam Israel , nec rememoratus est scabellum pedum suorum in die iræ suæ . Et quibusdam interpositis : Summa, inquit, malorum nobis affuit omnium, cum dominus orationis & ecclesiæ Dei viui ad solum deductæ atque ab ipsis subuersæ sunt fundametis , divinæ verò scripturæ in medio platearum igni cōcrematæ sunt. Proh nephas, ipsi hæc nostris vidimus occulis , sacerdotes Domini & pastores ecclesiarum publicè denudatos , inuercundè atque inhonestè , huc atque illuc ab impijs trahi , ita vt compleretur ille sermo Propheticus, qui ait : Effusa est contumelia super principes , & seduxit eos in iniuio & non in via . Hæc Eusebius . Quibus profecto admonemur , vt de nostrarum persequitionum causis similia cogitemus .

De persequitione lingue. CAPVT LIII.

VT autem saeuunt heretici plerunque, cum nulla maiore potentia comprimitur, ita cum verberibus non possunt, verbis lēdunt . Filii enim hominum, ait regius Psaltes , dentes eorum arma & sagittæ , & lingua eorum gladius acutus. Et iterum: Cogitauerunt iniquitates in corde, tota die constituebant prælia . Acuerunt linguas suas sicut serpentes, venenum aspidum sub labijs eorum. Estque & hoc se penumero viris bonis graue persequotionis genus, vt cum innocentiam destruere atque expugnare non valeat inimi-

Psalms.139.